

საქართველოს საჯარო დაწესებულებების საინფორმაციო (ინტერნეტ) რესურსების მონიტორინგი - 2011

---

კვლევის ძირითადი მიზნები:

- საქართველოს საჯარო დაწესებულებების გამჭვირვალობის ხარისხის ამაღლება;
- ინფორმაციის თავისუფლების განვითარების ხელშეწყობა;
- საქართველოში ინფორმაციის თავისუფლებასთან დაკავშირებული საკანონმდებლო ცვლილებების ინიცირება;
- საქართველოში ელექტრონული მმართველობისა და ელექტრონული გამჭვირვალობის განვითარება.

საქართველოს ფინანსთა სამინისტროს სახაზინო სამსახურის ოფიციალური  
ვებ-გვერდის ([www.treasury.ge](http://www.treasury.ge)) საინფორმაციო გამჭვირვალობისა და  
ელექტრონული მმართველობის შეფასებითი მონიტორინგი

2011 წლის 10 ნოემბერი

---

ყველა უფლება დაცულია

ინფორმაციის თავისუფლების განვითარების ინსტიტუტი

ა. მაჭავარიანის ქ. №4, ბინა1. 0179. საქართველო, თბილისი.

Tel: +995322 996364.

[www.idfi.ge](http://www.idfi.ge) / [www.opendata.ge](http://www.opendata.ge)

[info@idfi.ge](mailto:info@idfi.ge)





საქართველოს ფინანსთა სამინისტროს  
**სახელმწიფო ხაზინა**

საქართველოს ფინანსთა სამინისტროს სახაზინო სამსახური  
[www.treasury.ge](http://www.treasury.ge)

გამოვლენილი ძირითადი ხარვეზები და რეკომენდაციები

ოფიციალური ვებ-გვერდის საინფორმაციო გამჭვირვალობა IDFI  
პარამეტრების მიხედვით






## საქართველოს ფინანსთა სამინისტროს სახაზინო სამსახურის ვებ-გვერდზე არ მოიძიება:

### ➤ ზოგადი ინფორმაცია საჯარო დაწესებულების შესახებ

1. ვებ-გვერდზე არ მოიძიება სახელმწიფო ხაზინის ხელმძღვანელობის შესახებ შემდეგი სახის ინფორმაცია, კერძოდ:

- არ მოიძიება სახელმწიფო ხაზინის უფროსის ფოტოსურათი, ვრცელი ბიოგრაფიული მონაცემები, კომპეტენციის აღწერა. აგრეთვე, არ მოიძიება უფროსის არანაირი საკონტაქტო რეკვიზიტი - სამუშაო ელ.ფოსტა, მისაღების (თანაშემწის) ტელეფონისა და ფაქსის ნომრები;
- არ მოიძიება სახელმწიფო ხაზინის უფროსის მოადგილეების ფოტოსურათები, ვრცელი ბიოგრაფიული მონაცემები, კომპეტენციის აღწერა. აგრეთვე, არ მოიძიება მოადგილეების არანაირი საკონტაქტო რეკვიზიტები - სამუშაო ელ.ფოსტები, მისაღების (თანაშემწის) ტელეფონისა და ფაქსის ნომრები.

ვებ-გვერდზე არსებულ განყოფილებაში სათაურად „ჩვენს შესახებ“ არსებულ ქვე-განყოფილებაში „ხაზინის სტრუქტურა“ მოცემულია უფროსისა და მოადგილეების მხოლოდ სახელები და გვარები:



სასურველია, ვებ-გვერდზე შეიქმნას (ქვე-)განყოფილებები, სათაურად „სამსახურის უფროსი“ და „მოადგილეები“, სადაც განთავსდებოდა მათ შესახებ ყველა ზემოთ აღნიშნული, შესაბამისი ინფორმაცია. ამასთან, სახელმწიფო ხაზინის მოქმედი დებულების თანახმად, სახელმწიფო ხაზინის უფროსი იმავდროულად არის საქართველოს ფინანსთა მინისტრის პირველი მოადგილე; სასურველია, ხსენებულთან დაკავშირებით გაკეთდეს აღნიშვნა შესაქმნელ (ქვე-)განყოფილებაში.

2. სახელმწიფო ხაზინის სრული დასახელება არის საქართველოს ფინანსთა სამინისტროს სახაზინო სამსახური, ხოლო ვებ-გვერდზე მოცემულია მხოლოდ შემოკლებული დასახელება:

3. არ მოიძიება ვებ-გვერდის ოფიციალურობის დამადასტურებელი წერილობითი აღნიშვნა, სახელმწიფო ხაზინის შენობის მდებარეობის აღმნიშვნელი რუკა და ფაქსის ნომერი.

4. ვებ-გვერდზე მოცემულია სახელმწიფო ხაზინის საკონტაქტო ტელეფონის ნომერი, თუმცა სასურველია, აქვე მითითებულიც იყოს, რომ მოცემული ნომერი წარმოადგენს საზოგადოებასთან ურთიერთობის სამსახურის ტელეფონის ნომერს:

#### კონტაქტი

მისამართი:  
საქართველოს ფინანსთა სამინისტროს  
სახელმწიფო ხაზინა  
გორგასალის ქუჩა, №16  
(თბილისი 0114, საქართველო)  
ტელეფონი **+995 32 26 15 28**  
ელ-ფოსტა: infotreasury@mof.ge

5. ვებ-გვერდზე არ მოიძიება სახელმწიფო ხაზინის სრული სარეკვიზიტო ცნობარი (ყველა სტრუქტურული ქვედანაყოფის - დეპარტამენტის, მათში შემავალი სტრუქტურული ერთეულების - სამმართველოების სატელეფონო ცნობარი, ელ. ფოსტები და ფაქსის ნომრები), აგრეთვე, არ მოიძიება სახელმწიფო ხაზინის მიერ ფიზიკური და იურიდიული პირების მიღების და მათთან მუშაობის გრაფიკი.

6. ვებ-გვერდზე არ არის მოცემული სახელმწიფო ხაზინის დაფუძნების თარიღიდან მოყოლებული დეტალური საქმიანობის ისტორია. ვებ-გვერდზე არ არსებობს შესაბამისი (ქვე-) განყოფილება, სათაურად „ისტორია“.

7. ვებ-გვერდზე არ არის მოცემული სახელმწიფო ხაზინის ძირითადი ფუნქციებისა და უფლებამოსილებების აღწერა.

#### ➤ საჯარო დაწესებულების სისტემა/სტრუქტურა


8. ვებ-გვერდზე არ მოიძიება სახელმწიფო ხაზინის სტრუქტურის შესახებ შემდეგი სახის ინფორმაცია, კერძოდ:

- არ მოიძიება სტრუქტურის სქემატური ნახატი (სტრუქტურული ხე);
- არ მოიძიება სტრუქტურული ქვედანაყოფების ძირითადი ამოცანების აღწერა;

- არ მოიძიება სტრუქტურული ქვედანაყოფების ხელმძღვანელების ფოტოსურათები, ვრცელი ბიოგრაფიული მონაცემები, საკონტაქტო რეკვიზიტები: სამუშაო ელ.ფოსტები, მისაღების (თანამშრომლების) ტელეფონისა და ფაქსის ნომრები.
- სტრუქტურული ქვედანაყოფების საკონტაქტო ტელეფონის ნომრები და ელექტრონული ფოსტის მისამართები.

ვებ-გვერდზე არსებულ განყოფილებაში სათაურად „ჩვენს შესახებ“ არსებულ ქვე-განყოფილებაში „ხაზინის სტრუქტურა“ მოცემულია სტრუქტურული ქვედანაყოფების ხელმძღვანელების მხოლოდ სახელები და გვარები:

### ხაზინის სტრუქტურა



### ➤ მონაცემები საჯარო დაწესებულების საინფორმაციო რესურსების შესახებ

9. ვებ-გვერდზე არ არის მოცემული შემდეგი სახის მნიშვნელოვანი მონაცემთა ბაზები: არ არსებობს ვაკანსიათა და ტენდერების არქივი (არ არსებობს შესაბამისი (ქვე)-განყოფილებები), საერთაშორისო და ადმინისტრაციული ხელშეკრულებები, პროგრამები და პროექტები (მათ შორის საერთაშორისო სტანდარტების შესაბამისად ბუღალტრული აღრიცხვის და ანგარიშგების საერთო მეთოდოლოგიის, დებულებების, ინსტრუქციების, მეთოდური მითითებების, ბუღალტრული აღრიცხვის დოკუმენტების და ანგარიშების ფორმების, ნორმებისა და წესების პროექტები, აგრეთვე, საჯარო სექტორის ფინანსური მართვის რეფორმის ხელშემწყობი პროექტები და სახელმწიფო ხაზინის ფუნქციონირების სრულყოფის მიზნით პროცედურულ საკითხებთან დაკავშირებული პროექტები), სახელმწიფო ხაზინის მომსახურებაზე მყოფ ორგანიზაციებზე ფულადი სახსრების გაცემის ყოველთვიური ფინანსური გეგმები, სახელმწიფო ფასიანი ქაღალდების ემისიის ყოველწლიური გეგმები, სახელმწიფო ხაზინის საქმიანობის ამსახველი 2011 წლის მიმდინარე/კვარტალური ანგარიშები (მოცემულია მხოლოდ 2010 წლის ანგარიში), ფინანსური ხასიათის მაჩვენებლები (მათ შორის აღრიცხვის მეთოდოლოგიის და ანალიზის დეპარტამენტის მიერ მომზადებული სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების შესრულების ანგარიშგება) და ა.შ.

არ მოიძიება, აგრეთვე, სახელმწიფო ხაზინის მიერ წარმოებული სახელმწიფო საშინაო ვალის რეესტრი, სახელმწიფო შიდა და საგარეო საკრედიტო რესურსების ხარჯზე გაცემული სესხების

ერთიანი რეესტრი; მომსახურების დეპარტამენტის მიერ წარმოებული რეგისტრირებული საგადასახადო მოთხოვნების რეესტრი; აღრიცხვის მეთოდოლოგიის და ანალიზის დეპარტამენტის მიერ წარმოებული ხაზინის ანგარიშებიდან თანხების ჩამოჭრაზე მიღებული სასამართლო გადაწყვეტილებების რეესტრი.

➤ ძირითადი კომპეტენციის სფეროში საჯარო დაწესებულების საქმიანობის შესახებ ცნობები

10. ვებ-გვერდზე არსებულ განყოფილებაში სათაურად „ხაზინის შესახებ“ არსებულ ქვე-განყოფილებაში „სიახლეების არქივი“ წარმოდგენილი საინფორმაციო ხასიათის ცნობები მოიცავს თითქმის მხოლოდ სახელმწიფო ხაზინის მიერ განხორციელებული აუქციონების შედეგების მიმოხილვას; ვებ-გვერდზე არ მოიძიება სახელმწიფო ხაზინის ხელმძღვანელ პირთა მიმდინარე საქმიანობის შესახებ არანაირი სახის ცნობები. კერძოდ:


- არ მოიძიება სახელმწიფო ხაზინის უფროსის გამოსვლების, განცხადებების, ბრიფინგების ტექსტები, ცნობები მისი ოფიციალური/სამუშაო ვიზიტების შესახებ, აგრეთვე, ცნობები მისი მონაწილეობის შესახებ ამა თუ იმ ღონისძიებებში;
- არ მოიძიება სახელმწიფო ხაზინის უფროსის მოადგილეების გამოსვლების, განცხადებების, ბრიფინგების ტექსტები, ცნობები მათი ოფიციალური/სამუშაო ვიზიტების შესახებ, აგრეთვე, ცნობები მათი მონაწილეობის შესახებ ამა თუ იმ ღონისძიებებში.

ამასთან, მოცემულ ქვე-განყოფილებაში მოყვანილი საინფორმაციო ხასიათის უკანასკნელი ცნობა თარიღდება 2010 წლის ნოემბრის თვით, რაც საშუალებას არ აძლევს მომხმარებელს გაეცნოს სახელმწიფო ხაზინის საქმიანობის შესახებ 2010 წლის ნოემბრის თვემდე და განხორციელებული საქმიანობის შესახებ საინფორმაციო ხასიათის ცნობებს:



08.09.2010	8 სექტემბერს სახაზინო ობლიგაციების აუქციონზე ემიტირებული იქნა 20 000 000 ლარის ღირებულების 731 დღიანი ფასიანი ქაღალდები, კუპონის განაკვეთმა 15.6% შეადგინა.	სრულად
01.09.2010	1 სექტემბერს სახაზინო ვალდებულებების აუქციონზე ემიტირებული იქნა 5 000 000 ლარის ღირებულების 182 დღიანი ფასიანი ქაღალდები, საშუალო შეწონილმა განაკვეთმა 10.84% შეადგინა.	სრულად
25.08.2010	25 აგვისტოს გამართული სახაზინო ვალდებულებების აუქციონის შედეგები	სრულად
18.08.2010	18 აგვისტოს გამართული სახაზინო ვალდებულებების აუქციონის შედეგები	სრულად
17.08.2010	დროის რეალურ რეჟიმში ანგარიშსწორების სისტემა (RTGS)	სრულად
16.08.2010	სახელმწიფო ხაზინის ელექტრონული მომსახურების სისტემის დანერგვა	სრულად
16.08.2010	11 აგვისტოს გამართული სახაზინო ვალდებულებების აუქციონის შედეგები	სრულად
16.08.2010	საერთაშორისო საბანკო ანგარიშების ნომრების ფორმატი (IBAN)	სრულად

11. ვებ-გვერდზე არ არსებობს (ქვე-)განყოფილება „წლიური ანგარიშები“, სადაც განთავსდებოდა სახელმწიფო ხაზინის საქმიანობის ყოველწლიური ანგარიში და მიმდინარე კვარტალური მოხსენებები/ანგარიშები.

სახელმწიფო ხაზინის საქმიანობის 2010 წლის ანგარიში მოცემულია ვებ-გვერდზე არსებულ განყოფილებაში, კერძოდ, განყოფილებაში სათაურად „რეფორმები“ არსებულ ქვე-განყოფილებაში პრეზენტაციები:



12. ვებ-გვერდზე არსებულ ალოგიკურ განყოფილებაში, კერძოდ, განყოფილებაში სათაურად „რეფორმები“ არსებულ ქვე-განყოფილებაში პრეზენტაციები, განთავსებულ დოკუმენტებში წარმოდგენილი სტატისტიკა სასურველია განთავსდეს, აგრეთვე, ვებ-გვერდზე არსებულ განცალკევებულ განყოფილებაში (ბანერი) სათაურად „სტატისტიკა და ანალიტიკა“:





სასურველია, ხსენებული ინფორმაცია განთავსდეს ვებ-გვერდზე შესაქმნელ (ქვე-)განყოფილებაში სატაურად „სტატისტიკა“.

13. ვებ-გვერდზე არ არსებობს (ქვე-)განყოფილება „პროგრამები/პროექტები“, სადაც მოყვანილი იქნებოდა იმ პროგრამების/პროექტების ჩამონათვალი და მათ შესრულების შესახებ (წლიური) მოხსენებები, რომელთა დამკვეთს, შემსრულებელს ან რეალიზაციაში რაიმე სახით მონაწილე მხარეს წარმოადგენს სახელმწიფო ხაზინა. აგრეთვე, ცნობები იმ პროგრამების/პროექტების ფარგლებში მიმდინარე ღონისძიებების შესახებ, რომელთა რეალიზაციაში მონაწილე მხარეს წარმოადგენს სახელმწიფო ხაზინა.

14. სასურველია, ვებ-გვერდზე არსებობდეს (ქვე-)განყოფილებები „საერთაშორისო პარტნიორობა“ და „პარტნიორობა საქართველოს ორგანიზაციებთან“, სადაც მოყვანილი იქნება პარტნიორობის შესაბამისი ტექსტური ინფორმაციული აღწერა და სახელმწიფო ხაზინის პარტნიორ ორგანიზაციათა ვებ-გვერდების ბმულები.

➤ **სამართლებრივი აქტები და საჯარო დაწესებულების ნორმაშემოქმედებითი საქმიანობა**

15. ვებ-გვერდზე არსებულ განყოფილებაში სატაურად „ნორმატიული ბაზა“ განთავსებული რამდენიმე სამართლებრივი აქტის შესაბამისი დოკუმენტი დაზიანებულია:



ამასთან, სასურველია, მოცემულ განყოფილებაში განთავსდეს აგრეთვე, სახელმწიფო ხაზინის საქმიანობის (მმართველობის) სფეროსთან დაკავშირებული საქართველოს მთავრობის სამართლებრივი აქტები და სამართლებრივი აქტების პროექტები; აგრეთვე, სახელმწიფო ხაზინის

უფროსის მიერ გამოცემული ინდივიდუალურ ადმინისტრაციულ-სამართლებრივი აქტები (მათ შორის უფროსის მიერ დამტკიცებული სახელმწიფო ხაზინის დეპარტამენტების ფუნქციების და ამოცანების განმსაზღვრელი დებულება, ინდივიდუალური ადმინისტრაციულ-სამართლებრივი აქტით დამტკიცებული სახელმწიფო ხაზინის ლოგო);

ამასთან, შემდეგი სამართლებრივი აქტი - შინაგანაწესი (რომელიც, არ მოიძიება) სასურველია, მოიძიებოდეს ცალკეულ (ქვე)-განყოფილებაში.

აღნიშნულ განყოფილებაში აგრეთვე უნდა მოიძიებოდეს შემდეგი სამართლებრივი აქტებიც:

- საქართველოს კონსტიტუცია;
  - საქართველოს ზოგადი ადმინისტრაციული კოდექსი;
  - საქართველოს კანონი „საჯარო სამართლის იურიდიული პირის შესახებ“;
  - საქართველოს კანონი „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“;
  - საქართველოს საბიუჯეტო კოდექსი;
  - საქართველოს კანონი „გადახდისუუნარობის საქმის წარმოების შესახებ“;
  - საქართველოს მთავრობის 2004 წლის 21 მაისის N39 დადგენილება „საქართველოს ფინანსთა სამინისტროს დებულების დამტკიცების შესახებ“;
  - საქართველოს საერთაშორისო ხელშეკრულებები და შეთანხმებები.
- **საჯარო დაწესებულების საქმიანობის წესი, რომელიც მიზნად ისახავს ფიზიკურ და იურიდიულ პირთა უფლებების, თავისუფლებებისა და კანონიერი ინტერესების უზრუნველყოფას**

16. ვებ-გვერდზე არ მოიძიება ფიზიკურ და იურიდიულ პირთა მიმართვათა მიმოხილვა.

17. ვებ-გვერდზე არ არსებობს საჯარო ინფორმაციასთან დაკავშირებული განცალკევებული განყოფილება. არ მოიძიება საჯარო ინფორმაციის ხელმისაწვდომობის უზრუნველყოფაზე პასუხისმგებელი საჯარო მოსამსახურის ვინაობის (სახელი და გვარი), თანამდებობისა და საკონტაქტო რეკვიზიტების შესახებ ინფორმაცია, საჯარო ინფორმაციის გაცემაზე უარის თქმის შესახებ მიღებულ გადაწყვეტილებათა გასაჩივრების შესახებ ცნობები და სახელმწიფო ხაზინაში შესული საჯარო ინფორმაციის გაცემასა და გაცემის მოთხოვნაზე უარის თქმის თაობაზე მიღებულ გადაწყვეტილებათა რაოდენობის შესახებ ინფორმაცია. აგრეთვე, ვებ-გვერდზე არ არის

წარმოდგენილი ადმინისტრაციული საჩივრისა და საჯარო ინფორმაციის მოთხოვნის ჩამოსატვირთი ფორმები/ნიმუშები.

- **საჯარო დაწესებულების საქმიანობის ფარგლებში მიმდინარე სახელმწიფო შესყიდვების, სახელმწიფო ქონების პრივატიზების, ხელშეკრულებების გაფორმების შესახებ ცნობები**

**18.** ვებ-გვერდზე არ მოიძიება ადმინისტრაციულ ხელშეკრულებათა ბლოკი/განყოფილება, სადაც მოყვანილი იქნებოდა სახელმწიფო ხაზინასა და ფიზიკურ/იურიდიულ პირებს შორის, აგრეთვე, სახელმწიფო ხაზინასა და სხვა საჯარო დაწესებულებას შორის გაფორმებულ ადმინისტრაციულ (სამოქალაქო/სამართლებრივ) ხელშეკრულებათა (მათ შორის სახელმწიფო შესყიდვების ხელშეკრულებები) ჩამონათვალი და პირობები.

**19.** ვებ-გვერდზე არ არსებობს (ქვე-)განყოფილება, სათაურად „ტენდერები“, სადაც განთავსდება სახელმწიფო ხაზინის მიერ განხორციელებული სახელმწიფო შესყიდვებისა (გამოცხადებული ტენდერები, კონკურსები და სხვა სახის სახელმწიფო შესყიდვები) და განხორციელებული სახელმწიფო ქონების პრივატიზების (ელექტრონული/საჯარო აუქციონების, პირდაპირი მიყიდვის, სხვა გზით) ამომწურავი ჩამონათვალი (სია) და ასევე, სახელმწიფო ხაზინი მიერ განხორციელებული სახელმწიფო შესყიდვებისა და სახელმწიფო ქონების პრივატიზების (ელექტრონული/საჯარო აუქციონების, პირდაპირი მიყიდვის, სხვა გზით) შესახებ ინფორმაცია.

- **საჯარო დაწესებულების საკადრო უზრუნველყოფა**

**20.** ვებ-გვერდზე არ არსებობს განყოფილება, სათაურად „ვაკანსიები“, სადაც განთავსდებოდა ვაკანსიათა არქივი, აგრეთვე, საჯარო თანამდებობათა დასაკავებელი კონკურსის შედეგები (სახელმწიფო ხაზინის მიერ კანდიდატთა პერსონალური მონაცემების ვებ-გვერდზე განთავსების საფუძვლებზე (თანხმობის მიღება) მითითებით, ვაკანტურ თანამდებობაზე მისაღები კანდიდატისათვის წაყენებული საკვალიფიკაციო მოთხოვნების ჩამონათვალი (სათანადო ცოდნა და გამოცდილება, ძირითადი უნარ-ჩვევები), საჯარო თანამდებობათა დასაკავებელი კონკურსის პროცედურებისა და შედეგებთან დაკავშირებული პრეტენზიების წაყენების, მათი ადმინისტრაციული წარმოების გზით გასაჩივრების წესის აღწერა და ა.შ.

- **საჯარო დაწესებულების დაფინანსება და ხარჯთაღრიცხვა (ბიუჯეტი)**

**21.** ვებ-გვერდზე არ არის წარმოდგენილი სახელმწიფო ხაზინის საქმიანობასთან დაკავშირებული ფინანსური ხასიათის არანაირი ინფორმაცია:


- არ მოიძიება სახელმწიფო ხაზინისათვის გამოყოფილი სახელმწიფო ბიუჯეტით გათვალისწინებული ყოველწლიური ასიგნებების შესახებ ინფორმაცია;
- არ მოიძიება სახელმწიფო ხაზინის ბიუჯეტში ასახული შემოსავლებისა და გასავლების / ბიუჯეტის შესრულების ბალანსისა და ბიუჯეტის ასიგნებების ხარჯვის შესახებ ზოგადი ინფორმაცია; *(პროექტ „საჯარო ინფორმაციის მონაცემთა ბაზის“ ფარგლებში, რომელსაც ახორციელებს „ინფორმაციის თავისუფლების განვითარების ინსტიტუტი“, საქართველოს ფინანსთა სამინისტროს სახაზინო სამსახურისათვის მიმართული ოფიციალური წერილით მოთხოვნილ იქნა 2011 წლის პირველ კვარტალში (სამი თვე) განხორციელებული სახელმწიფო ბიუჯეტის ასიგნების ხარჯვის შესახებ ინფორმაცია (სახელმწიფო ბიუჯეტის შესრულების ბალანსი), რომელიც მოწოდებულ იქნა, რაც შესაძლებელს ხდის სახელმწიფო ხაზინის მიერ ამ ინფორმაციის ვებ-გვერდზე განთავსებას. მოცემული ინფორმაცია შესაძლებელია მოძიებულ იქნეს შემდეგ ბმულზე: [http://www.opendata.ge/pdf\\_files/saxazinosams\\_biujeti.pdf](http://www.opendata.ge/pdf_files/saxazinosams_biujeti.pdf));*
- არ მოიძიება საჯარო სამსახურებრივი უფლებამოსილების განმახორციელებელი თანამდებობის პირთა ჩამონათვალი და სამტატო ერთეულზე გათვალისწინებული ფინანსური განაკვეთების შესახებ ინფორმაცია;
- არ მოიძიება სახელმწიფო ხაზინის სრული სისტემის თანამშრომლებზე გაცემული ხელფასების, დანამატების და დარიცხული პრემიების წლიური ოდენობების შესახებ ინფორმაცია; *(პროექტ „საჯარო ინფორმაციის მონაცემთა ბაზის“ ფარგლებში, რომელსაც ახორციელებს „ინფორმაციის თავისუფლების განვითარების ინსტიტუტი“, საქართველოს ფინანსთა სამინისტროს სახაზინო სამსახურისათვის მიმართული ოფიციალური წერილით მოთხოვნილ იქნა 2011 წლის პირველ კვარტალში (სამი თვე), ადმინისტრაციისა და სრული სისტემის თანამშრომლებზე გაცემული ხელფასებისა და პრემიების საერთო კვარტალური ოდენობების შესახებ ინფორმაცია (კონკრეტულ პირთა ვინაობაზე მითითების გარეშე), რომელიც მოწოდებულ იქნა, რაც შესაძლებელს ხდის სახელმწიფო ხაზინის მიერ ამ ინფორმაციის ვებ-გვერდზე განთავსებას. მოცემული ინფორმაცია შესაძლებელია მოძიებულ იქნეს შემდეგ ბმულზე: [http://www.opendata.ge/pdf\\_files/saxazinosams\\_xelfasi.pdf](http://www.opendata.ge/pdf_files/saxazinosams_xelfasi.pdf)*

აგრეთვე, საქართველოს ახალგაზრდა იურისტთა ასოციაციამ საქართველოს ფინანსთა სამინისტროს სახაზინო სამსახურისათვის მიმართული განცხადებით გამოითხოვა საქართველოს ზოგადი ადმინისტრაციული კოდექსის 37-ე, 38-ე, და 40-ე მუხლების საფუძველზე სახაზინო სამსახურის თანამშრომელთა სია და ინფორმაცია სამსახურის თანამშრომლების ხელფასებსა და პრემიებზე 2008 წელს დახარჯული თანხების შესახებ ინფორმაცია, რომელიც, ასევე, მოწოდებულ იქნა, რაც შესაძლებელს ხდის სახელმწიფო ხაზინის მიერ ამ ინფორმაციის ვებ-გვერდზე განთავსებას. მოცემული ინფორმაცია შესაძლებელია მოძიებულ იქნეს შემდეგ ბმულზე:

[http://www.opendata.ge/pdf\\_files/saxazinosaiia\\_xelfasipremia.pdf](http://www.opendata.ge/pdf_files/saxazinosaiia_xelfasipremia.pdf));


- არ მოიძიება სახელმწიფო ხაზინის შესაბამისი სამართლებრივი აქტის საფუძველზე ან/და საკუთარი ინიციატივით განხორციელებული იმ პროექტებისა და პროგრამების (სოციალური, მიზნობრივი, კვლევითი, სამეცნიერო, საგანმანათლებლო, ამა თუ იმ სფეროს განვითარებაზე მიმართული და მისთ.) სავარაუდო და ფაქტობრივი ხარჯთაღრიცხვა, რომელთა დამკვეთს, შემსრულებელს ან რეალიზაციაში რაიმე სახით მონაწილე მხარეს წარმოადგენს სახელმწიფო ხაზინა;
- არ მოიძიება უცხო სახელმწიფოთა მთავრობების, საერთაშორისო ორგანიზაციების, სხვა დონის სახელმწიფო ერთეულების მიერ სახელმწიფო ხაზინისათვის გამოყოფილი ფინანსური დახმარების (გრანტები) ხარჯთაღრიცხვა.

შეფასება ვებ-გვერდის ელექტრონული კომპონენტის მიხედვით:




## ვებ-გვერდის ელ-მმართველობის ხარისხი

■ ტექნიკური პარამეტრის არსებობა ვებ-გვერდზე



➤ ნავიგაცია


საძიებო სისტემის ბმულს გადავყავართ მთავარ გვერდზე:



იმ შემთხვევაში, თუ საძიებო სისტემა არ არის გამართული, სჯობს მისი ბმული საერთოდ არ იყოს განთავსებული ვებ-გვერდზე ან აღინიშნოს, რომ მზადების პროცესშია;

➤ საკონტაქტო ფორმები და წესები

ვებ-გვერდის საკონტაქტო გვერდს აუცილებლად უნდა ქონდეს საკონტაქტო ფორმა, რათა მომხმარებელს გაუადვილდეს ხაზინის ადმინისტრაციასთან კონტაქტი:





## ➤ სინტაქსურად გამართული პროგრამული კოდი

ვებ-გვერდზე ნავიგაციის დროს, ხშირად ხდება მსგავსი შეცდომები:

# Server Error in '/' Application.

## Runtime Error

**Description:** An application error occurred on the server. The current custom error settings for this application machine.

**Details:** To enable the details of this specific error message to be viewable on remote machines, please change the "mode" attribute set to "Off".


```
<!-- Web.Config Configuration File -->  
  
<configuration>  
  <system.web>  
    <customErrors mode="Off"/>  
  </system.web>  
</configuration>
```

**Notes:** The current error page you are seeing can be replaced by a custom error page by modifying the "mode" attribute in the configuration file.


```
<!-- Web.Config Configuration File -->  
  
<configuration>  
  <system.web>  
    <customErrors mode="RemoteOnly" defaultRedirect="mycustompage.htm"/>  
  </system.web>  
</configuration>
```

ბმულის გენერაცია დამოკიდებულია URL-ს (ვებ-გვერდის სრული მისამართის) შემცველობაზე, შესაბამისად URL შეიცვლისას, ზოგიერთ შემთხვევაში, არ ხდება ბმულის სწორი ფორმაცია, რის შედეგადაც ფიქსირდება შეცდომა;


გაურკვეველი რჩება ფუნქციონირებს თუ არა ვებ-გვერდის ავტორიზაციის მოდული (რეპორტირების არ არსებობის გამო):



იგივე პრობლემა იკვეთება სიახლეების გამოწერის მოდულშიც:



ვებ-ბრაუზერ „Opera“-ში სტანდარტულ ფონტად არ არის მითითებული Sylfaen-ი (ქართული სტანდარტული უნიკოდური ფონტი), რის გამოც ამ ბრაუზერში ტექსტები ჩანს სხვა ფონტით:



### ➤ ონლაინ სერვისები

სიახლეების გამოწერის მოდულში თუ ჩავეწერთ რაიმე ინფორმაციას და შემდეგ დავაჭერთ Enter-ის ღილაკს, აღმოვჩნდებით მთავარ გვერდზე:

Official Exchange Rates  
14 Nov. 2011

USD	1.6591	▼
EUR	2.2604	▲
GBP	2.6390	▼

[more ▶](#)

**Subscribe**

gregseg

[twitter](#) [facebook](#)

რაც კიდევ ერთხელ ხაზს უსვავს, ამ მოდულის არასწორად ფუნქციონალურობას;

ვებ-გვერდს აქვს HTTPS მხადაჭერა, რაც ქართულ ოფიციალურ ინტერნეტ სივრცეში საკმაოდ იშვიათი მოვლენაა, ეს მხოლოდ მისასალმებელი ფაქტია. ამ პროტოკოლის მეშვეობით ვებ-გვერდის მომხმარებლების ინფორმაცია იქნება დაცული და დაშიფრული:

et treasury.ge | <https://www.etreasury.ge/current/>

treasury

სახელმწიფო ხაზინის ელექტრონული მომსახურების სისტემა

(2011 | 2010)

სახაზინო კოდი

მომხმარებელი

პაროლი

დიჯიტალური კოდი

**გურადღება!!!** ხაზინის მომსახურებაზე მყოფი ორგანიზაციების მომსახურეთათვის საბანკო დაწესებულებაში ანგარიშის გახსნის შესახებ ფინანსთა მინისტრის ბრძანებში

**გურადღება !!!** რა არის მწვანე დღეფიანი და რა უპირატესობა აქვს მწვანე დღეფიან


**გურადღება !!!** გთხოვთ გაეცნოთ სახელფასო პაკეტების მწვანე დღეფიანი გაჭიან

**გურადღება !** 2011 წლის 13 ივლისიდან ძალში შევიდა საქართველოს ფინანსთა ს. N387 08.07.2011 „საქართველოს საბიუჯეტო კლასიფიკაციაში“ ცვლილებების შეტან ახალი კლასიფიკაციის თანახმად გაერთიანდა შემდეგი მუხლები: 220301 და 220302 22020408 და 22030409; 220313 და 220309, გადაინომრა და დაემატა საბიუჯეტო კ გთხოვთ, აღწერული მიიღოთ ცნობად და გაითვალისწინოთ. [გზრძანება](#)

**გურადღება !** 29.06.2011 - ხაზინის ელექტრონულ სისტემაში განხორციელდა ცვლ გთხოვთ გაეცნოთ ინსტრუქციას [ინსტრუქცია](#) [პირობები](#)

➤ დამატებითი პარამეტრები

ვებ-გვერდის ზოგიერთი ღილაკი და ბმული არ არის სწორად გენერირებული, მაგალითად შემდეგი:



ვებ-გვერდზე გამოყენებულია ტექნოლოგია, რომელიც ართულებს ინფორმაციის გაზიარებას და გავრცელებას. ეს ტექნოლოგია გამოყენებულია კითხვა-პასუხის გვერდზე:



როდესაც კონკრეტული პასუხის გაზიარება ან გავრცელება გვსურს, როგორც სხვა გვერდებზე, ვიღებთ მთლიან ვებ-გვერდის დასახელებას, ამ შემთხვევაში:

<http://www.treasury.gov.ge/faq#50>

მაგ. სოციალურ ქსელ Facebook-ში აღნიშნული ბმულის გავრცელების შემთხვევაში, მომხმარებელი ბმულის გახსნის შემდგომ, მოხვდება გვერდის თავში, რეალურად კი პასუხი არის გვერდის შუაში.

თუ ვებ-გვერდზე გამოყენებულია აღნიშნული ტექნოლოგია, საჭიროა მისი დახვეწა, ისე რომ ბმულის გავრცელების დროს ინფორმაციის მოძიება იყოს ზუსტი;

### **ვებ-გვერდის ზოგადი შეფასება**

ვებ-გვერდს აქვს გაუთვალისწინებელი ხარვეზები, მაგალითად ნავიგაციის დრო ფიქსირდება შეცდომები, გაურკვეველია ფუნქციონირებს თუ არა ისეთი მოდულები, როგორც სახელების გამოწერა, ავტორიზაცია და სხვა. ზოგადად ვებ-გვერდი სასიამოვნო შთაბეჭდილებას ტოვებს, თუმცა მასში მეტად დასახვეწია პროგრამული კოდი;